

REGISTAR osoba koje su položile stručni ispit

Red. broj _____ JMBG _____
 Ime i prezime _____
 Datum i mjesto rođenja (mjesto i općina) _____ Pismeni dio _____
 Datum polaganja ispita _____ Usmeni dio _____

Broj i datum izdatog Uvjerenja _____
 Popis dokumentacije priložene uz prijavu. _____

Na osnovu člana 12. stav 2. Zakona o posebnim uvjetima za obavljanje poslova međunarodne špedicije u vezi sa carinjenjem robe ("Službene novine Federacije BiH", broj 46/00) uz prethodno pribavljeno mišljenje federalnog ministra finansija-federalnog ministra financija, federalni ministar trgovine, donosi

PRAVILNIK O STRUČNOM ISPITU ZA RADNIKE KOJI OBAVLJAJU POSLOVE MEĐUNARODNE ŠPEDICIJE U VEZI SA CARINJENJEM ROBE I O SADRŽAJU I NAČINU VOĐENJA REGISTRA LICA KOJA SU POLOŽILA STRUČNI ISPIT

Član 1.

Ovim pravilnikom utvrđuju se uvjeti i način polaganja stručnog ispita za radnike međunarodne špedicije koji obavljaju poslove u vezi s carinjenjem robe (u daljem tekstu: kandidat), program i sastav ispitne komisije, sadržaj i način vođenja Registra lica koja su položila stručni ispit.

Član 2.

Stručnim ispitom iz člana 1. ovog pravilnika provjerava se znanje kandidata potrebno za obavljanje poslova međunarodne špedicije u vezi carinjenja robe.

Član 3.

Stručni ispit polaže se po Programu stručnog ispita za radnike međunarodne špedicije u vezi s carinjenjem robe (u daljem tekstu: Program), koji obuhvata:

1. Osnove državnog uređenja,
2. Upravni postupak i upravni spor,
3. Vanjskotrgovinski i devizni sistem,
4. Carinski sistem, te carinski postupak i carinsku tarifu sa poznavanjem robe,
5. Porezni sistem.

Program iz stava 1. ovog člana sastavni je dio ovog pravilnika.

Član 4.

Postupak polaganja stručnog ispita provodi Komisija za polaganje stručnog ispita za radnike međunarodne špedicije u vezi s carinjenjem robe (u daljem tekstu: Komisija).

Komisija se sastoji od predsjednika i četiri člana. Administrativne i stručne poslove za potrebe Komisije obavlja sekretar Komisije.

Predsjednik, članovi i sekretar Komisije imaju zamjenike. Komisiju i sekretara, kao i njihove zamjenike rješenjem imenuje Federalni ministar trgovine na period od dvije godine.

Član 5.

Predsjedniku, članovima Komisije, sekretaru i njihovim zamjenicima pripada naknada za rad u Komisiji. Visinu naknade određuje federalni ministar trgovine posebnim aktom.

Član 6.

Zahtjev za polaganje stručnog ispita kandidat podnosi Federalnom ministarstvu trgovine - Komisiji. Uz zahtjev se podnosi svjedodžba o završenom najmanje IV stepenu školovanja i potvrda ovlaštene ustanove za organiziranje kurseva stranih jezika o položenom najmanje trećem stepenu stranog

jezika, odnosno dokaz više ili visoke škole da je položio strani jezik za VI odnosno VII stepen.

Komisija donosi rješenje kojim se odobrava polaganje stručnog ispita za kandidate koji ispunjavaju propisane uvjete, odnosno rješenje kojim se odbija zahtjev za polaganje stručnog ispita za kandidate koji ne ispunjavaju propisane uvjete.

Sekretar Komisije pismeno obavještava kandidate o datumu polaganja stručnog ispita, i to najkasnije u roku od 15 dana od dana određenog za polaganje.

Član 7.

Kandidat može odustati, odnosno odgoditi polaganje stručnog ispita najmanje pet dana prije dana određenog za polaganje stručnog ispita.

Ako je kandidat uredno pozvan na stručni ispit, a ne pristupi mu niti blagovremeno otkáže polaganje ispita, smatra da nije polagao stručni ispit.

Ako kandidat odustane od već započetog ispita ili ne preda rad iz pismenog dijela ispita, smatrat će se da ispit nije položio.

Započeti ispit može se odložiti ako je kandidat zbog bolesti ili drugih opravdanih razloga spriječen da nastavi ispit, s tim da u nastavku ispita kandidat ne polaže onaj dio ispita koji je položio.

Član 8.

Stručni ispit sastoji se od pismenog i usmenog dijela.

Polaganje ispita započinje izradom pismenog zadatka. Zadatak iz pismenog dijela daje član Komisije kojeg odredi predsjednik Komisije, a sastoji se iz rješavanja predmeta iz carinskog postupka i carinske tarife.

Pri izradi pismenog zadatka kandidat se može služiti zakonskim i podzakonskim propisima.

Član 9.

Pismeni zadatak radi se na papiru obilježenom pečatom Federalnog ministarstva trgovine.

Služenje nedozvoljenim sredstvima povlači udaljenje sa ispita o čemu se kandidat poučava pred početak izrade pismenog zadatka.

Udaljenje sa ispita tretira se kao da kandidat nije položio stručni ispit.

Član 10.

Izrada pismenog zadatka može trajati najduže tri sata.

Ako je član Komisije koji je predložio zadatak spriječen dati ocjenu pismenog dijela ispita, pismeni rad može ocijeniti predsjednik ili član Komisije koga on za to ovlasti.

Član 11.

Poslije položenog pismenog zadatka pristupa se usmenom dijelu ispita.

Na usmenom dijelu ispita kandidat se ispituje iz gradiva u okviru propisanog programa tako da kandidat odgovara i ispit polaže iz svih predmeta propisanih Programom.

Usmeni dio ispita je javan.

Član 12.

Po završenom ispit u Komisiji odlučuje o uspjehu sa ocjenom "položio stručni ispit" ili "nije položio stručni ispit".

Ocjenu o uspjehu Komisija utvrđuje većinom glasova svih članova, a u slučaju ravnomjerne podjele glasova odlučuje predsjednik Komisije.

Predsjednik Komisije neposredno poslije donošenja odluke istu saopštava kandidatu.

Član 13.

Kandidat koji na stručnom ispitu pokaže nezadovoljavajuće znanje iz tri ili više predmeta nije položio stručni ispit.

Kandidat koji na usmenom dijelu ispita ne pokaže zadovoljavajuće znanje iz jednog ili najviše dva predmeta, upućuje se na popravni ispit iz tih predmeta.

Popravni ispit kandidat može polagati najranije u roku od 15 dana, a najkasnije u roku od 90 dana od dana polaganja stručnog ispita.

Kandidat koji nije pristupio polaganju popravnog ispita ili popravni ispit nije položio u roku iz stava 3. ovog člana smatra se da stručni ispit nije položio.

Član 14.

O toku ispita vodi se zapisnik u koji se unosi: datum održavanja ispita, sastav ispitne Komisije, lični podaci kandidata (ime i prezime, JMBG, adresa), naziv pravnog lica u kojem je kandidat zaposlen, ispitna pitanja i ocjena Komisije.

Zapisnik potpisuje predsjednik, članovi i sekretar Komisije.

Član 15.

O položenom ispitu kandidatu se izdaje uvjerenje, koje potpisuje federalni ministar trgovine.

Uvjerenje iz stava 1. ovog člana izdaje se najkasnije u roku od 15 dana od dana položenog ispita.

Obrazac uvjerenja štampan je uz Pravilnik i čini njegov sastavni dio (obrazac broj 1.).

Član 16.

Federalno ministarstvo trgovine vodi Registar lica koje su položila stručni ispit.

Registar se sastoji od registarske knjige i zbirke isprava.

Registarska knjiga se sastoji od posebne knjige povezane jamstvenikom. U registarskoj knjizi postoje posebne kolone i redovi za svaki od sljedećih podataka:

- redni broj,
- lične podatke kandidata koji je položio ispit, (ime, prezime, JMBG, datum i mjesto rođenja, adresa),
- datum polaganja stručnog ispita,
- broj i datum izdatog uvjerenja,
- popis dokumentacije priložene uz prijavu.

Zbirka isprava sadrži zapisnik o polaganju ispita, prijavu za polaganje ispita i sve dokumente priložene uz prijavu. Zbirka isprava se vodi prema brojevima iz registarske knjige.

Obrazac registarske knjige tiskan je uz Pravilnik i čini njegov sastavni dio (obrazac broj 2).

Član 17.

Danom stupanja na snagu ovog pravilnika prestaje da važi Pravilnik o polaganju stručnog ispita za radnike međunarodne špedicije u vezi sa carinjenjem robe ("Službene novine Federacije BiH", broj 14/98).

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 01-02-1538/00
4. januara 2001. godine
Mostar

Ministar
Branko Ivković, s. r.

PROGRAM STRUČNOG ISPITA

za radnike međunarodne špedicije koji obavljaju poslove u vezi s carinjenjem robe

I - OSNOVE DRŽAVNOG UREĐENJA

a) Ustroj BiH

- * ustrojstvo BiH; FBiH i kantona,
- * ustrojstvo lokalne (mjesne) samouprave i uprave.

b) Organi uprave BiH; FBiH i kantona

- * ustrojstvo uprave.

Literatura: Ustav BiH, Ustav Federacije BiH ("Službene novine Federacije BiH", br. 1/94 i 13/97), Zakon o upravi u Federaciji BiH ("Službene novine Federacije BiH", broj 28/97).

II - UPRAVNI POSTUPAK I UPRAVNI SPOR

a) Upravni postupak i upravni spor

- predmet upravnog postupka;
- načela upravnog postupka;
- stranke, zakonski zastupnik i opunomoćenik;
- pokretanje postupka;
- rokovi;
- zapisnik;
- rješenje;
- žalba;
- izvršenje;
- pojam i predmet upravnog spora;
- tužitelj, tužena stranka, zainteresirana osoba u sporu;
- tužba.

Literatura: Zakon o upravnom postupku ("Službene novine Federacije BiH", br. 2/98 i 48/99) i Zakon o upravnim sporovima ("Službene novine Federacije BiH", broj 2/98).

III - VANJSKOTRGOVINSKI I DEVIZNI SISTEM

a) Vanjskotrgovinski sistem

- osnovne značajke vanjskotrgovinskog sistema BiH i Federacije BiH;
- subjekti obavljanja vanjskotrgovinskog prometa;
- uslovi za obavljanje vanjskotrgovinskog prometa;
- posebni oblici vanjskotrgovinskog prometa - značajke i potrebni uslovi za obavljanje kompenzacijskih, reexportnih poslova, dugoročnih proizvodnih kooperacija i malograničnog prometa;
- usluge u vanjskotrgovinskom prometu (izvođenje investicijskih radova u inozemstvu, zastupanje stranih pravnih lica, konsignacije);
- regulacija izvoza i uvoza robe u Federaciji (propisi, tijela mjerodavna za izdavanje posebnih dokumenata);
- privremeni izvoz i uvoz robe;
- dokumenti koji prate robu pri uvozu i izvozu;
- izvoz i uvoz robe od strane građana.

b) Devizni sistem

- osnovne značajke deviznog sistema Federacije BiH (devizno poslovanje, osnove deviznog tržišta, unošenje i iznošenje deviza, promet zlata);
- devizno tržište i određivanje tečaja domaće valute (funkcija, banka, formiranje, primjena tečaja);
- stjecanje deviza od strane domaćih i stranih lica (način stjecanja, devizni računi);
- platni promet s inostranstvom (subjekti obavljanja i način obavljanja, transfer dobiti stranih lica, osiguranje plaćanja odnosno naplate iz inostranstva, kontokorentni računi, rok naplate izvoza);
- raspolaganje devizama od strane fizičkih lica (iznošenje i unošenje domaće i strane valute);
- evidencija sklopljenih vanjskotrgovinskih poslova;
- kontrola obavljanja vanjskotrgovinskog i deviznog poslovanja (subjekti, nadležnost i kaznene sankcije za krivična djela, privredne prijestupe i prekršaje).

Literatura: Zakon o vanjskotrgovinskom poslovanju ("Službene novine Federacije BiH", broj 2/95), Zakon o vanjskotrgovinskoj politici ("Službeni glasnik BiH", broj 7/98), Odluka o uvjetima za registriranje ugovora o dugoročnoj proizvodnoj kooperaciji, Odluka o privremenom uvozu i izvozu robe, Odluka o uvjetima za dobivanje dozvole za iznošenje sredstava izvan BiH u svrhu osnivanja predstavništva i poslovnih jedinica u inozemstvu, Odluka o uvjetima za dobivanje dozvole za iznošenje sredstava izvan BiH u svrhu osnivanja preduzeća u inozemstvu, Odluka o klasifikaciji roba na režime izvoza i uvoza ("Službeni glasnik BiH", broj 22/98) i Zakon o deviznom poslovanju ("Službene novine Federacije BiH", broj 35/98).

IV - CARINSKI SISTEM

- Pojam carine i carinskog sistema, razvoj carine, osnovni instituti iz oblasti carine;
- Carinsko-upravni postupak: značaj, vrste, načela, učesnici, dvostepenost postupka, vrste odluke, pravosnažno, konačno i izvršno rješenje, vanredno pravno sredstvo, podnošenje žalbe i rad po žalbi;
- Carinski nadzor, pojam, vrste i svrha, carinsko obilježje, vrsta i upotreba;

- Jedinstvena carinska isprava;
- Carinska vrijednost robe;
- Carinski postupak u: zračnom, pomorskom, riječnom, željezničkom, poštanskom i putničkom prometu;
- Carinski postupak u drumskom saobraćaju, karnet TIR, ATA;
- Zbirna prijava i istovar robe prijavljene carinamici;
- Privremeno skladištenje robe;
- Carinske procedure (pismena prijava, druge vrste prijave, pregled prijava nakon carinjenja);
- Stavljanje robe u slobodan promet;
- Odgovorni aranžmani i carinski postupci s ekonomskim učinkom:
- zajedničke odredbe za nekoliko procedura, prevoz, carinsko skladište, unutarnja obrada (opće odredbe, izdavanje odobrenja, tok procedure, odredbe koje se odnose na sistem vraćanja robe) i obrada pod carinskom kontrolom, privremeni uvoz i izvoz;
- SLOBODNE ZONE: smještaj robe u slobodne zone, rad slobodnih zona, izuzimanje robe iz slobodnih zona;
- Ponovni izvoz, uništenje ili ustupanje robe;
- Carinske povlastice: oslobađanje od plaćanja carine, vraćanje izvezeno robe;
- Carinski dug: garancija za pokriće carinskog duga, nastanak carinskog duga, naknada carinskog duga, brisanje carinskog duga, naknada i odustajanje od naplate carine.

CARINSKI PREKRŠAJI

Literatura: Zakon o carinskoj politici ("Službeni glasnik BiH", broj 21/8), Zakon o carinskoj službi ("Službene novine Federacije BiH", broj 46/00).

Pravilnik o sadržini, popunjavanju podnošenju isprava u carinskom postupku ("Službeni glasnik BiH", broj 16/98), Odluka o uvjetima za uvoz robe radi izvoza ("Službeni glasnik BiH", broj 3/99), Odluka o unutarnjem kretanju carinske robe između entiteta ("Službeni glasnik BiH", broj 9/99), Odluka o vrijednosti poštanske pošiljke koja podliježe obvezi prijavljivanja radi obavljanja carinske procedure ("Službeni glasnik BiH", broj 3/99), Odluka o slučajevima kada se odobrava produžetak roka za određivanje carinski odobrenog postupka ili namjene ("Službeni glasnik BiH", broj 3/99), Odluka o vrijednostima robe koja se ne može prijaviti carini na skraćenoj prijavi ("Službeni glasnik BiH", broj 3/99), Odluka o određivanju normativa proizvodnje u procesu obrade ("Službeni glasnik BiH", broj 3/99), Odluka u kojim se slučajevima odobrava oslobađanje od plaćanja carine glede posebnih okolnosti ("Službeni glasnik BiH", broj 3/99), Odluka o slučajevima kada se naplaćuje 1% od carinske vrijednosti za carinsko evidentiranje ("Službeni glasnik BiH", broj 27/98), Odluka o uvjetima i načinu za oslobađanje od plaćanja carine na opremu koja se uvozi za potrebe vojnih i policijskih snaga ("Službeni glasnik BiH", broj 27/98), Odluka o uvjetima i načinu za oslobađanje od plaćanja carine na opremu koja se uvozi po projektima obnove i rekonstrukcije BiH ("Službeni glasnik BiH", broj 27/98), Odluka o načinu i uvjetima za ostvarivanje prava na oslobađanje od plaćanja carine na opremu a koja je zasnovana na inozemnom ulaganju ("Službeni glasnik BiH", broj 27/98), Pravilnik o

Mjesto za grb

izdavanju certifikata o porijeklu proizvoda EUR ("Službeni glasnik BiH", broj 11/98).

CARINSKA TARIFA

Red. br.	METODSKA JEDINICA
1.	Pojam i podjela tarifa
2.	Osnovna pravila za svrstavanje robe
3.	Carinska tarifa: Zakon o Carinskoj tarifi, carinski tarifni stav, naimenovanja robe-primjena član 4. Zakona o Carinskoj tarifi
4.	Svrstavanje robe u Odjeljak I (glava 1-5)
5.	Svrstavanje robe u Odjeljak II (glava 6-14)
6.	Svrstavanje robe u Odjeljak III i IV (glava 15-24)
7.	Svrstavanje robe u Odjeljak V (glava 25-27)
8.	Svrstavanje robe u Odjeljak VI (glava 28 i 29)
9.	Svrstavanje robe u Odjeljak VII (glava 39 - 40)
10.	Svrstavanje robe u Odjeljak VIII (glava 41-43)
11.	Svrstavanje robe u Odjeljak IX (glava 44-45)
12.	Svrstavanje robe u Odjeljak X (glava 47-49)
13.	Svrstavanje robe u Odjeljak XI i XII (glava 50-67)
14.	Svrstavanje robe u Odjeljak XIII (glava 68-70)
15.	Svrstavanje robe u Odjeljak XIV (glava 71-72)
16.	Svrstavanje robe u Odjeljak XV (glava 73-80)
17.	Svrstavanje robe u Odjeljak XVI (glava 84-85)
18.	Svrstavanje robe u Odjeljak XVII (glava 86-89)
19.	Svrstavanje robe u Odjeljak XVIII (glava 90-92)
20.	Svrstavanje robe u Odjeljak XIX (glava 93)
21.	Svrstavanje robe u Odjeljak XX (glava 94-98)
22.	Svrstavanje robe u Odjeljak XXI (glava 99)

Literatura: Zakon o carinskoj tarifi ("Službeni glasnik BiH", broj 21/98).

V - POREZNI SISTEM

- porez na promet proizvoda i usluga,
- predmet oporezivanja,
- uvoz repromaterijala i opreme: uslovi i potrebni dokumenti,
- porezni obveznik,
- porezna osnovica,
- porezne stope sa tarifom,
- porezna oslobađanja,
- rokovi i način plaćanja poreza,
- povrat poreza,
- posebni porezi (na naftu i naftne derivate, duhan i duhanske prerađevine, alkohol, pivo, bezalkoholna pića, kahva),
- privremene mjere u oblasti poreza.

Literatura: Zakon o porezu na promet proizvoda i usluga ("Službene novine Federacije BiH", br. 6/95, 25/97, 13/00 i 36/00), Zakon o posebnom porezu na naftne derivate, Zakon o posebnom porezu na pivo, Zakon o posebnom porezu na kahvu, Zakon o posebnom porezu na bezalkoholna pića, Zakon o posebnom porezu na duhanske prerađevine ("Službene novine Federacije BiH", br. 6/95 i 51/99).

Obrazac broj 1
(format 210x297 mm)

BOSNA I HERCEGOVINA FEDERACIJA BOSNE I HERCEGOVINE FEDERALNO MINISTARSTVO TRGOVINE

Na osnovu člana 15. Pravilnika o stručnom ispitu za radnike koji obavljaju poslove međunarodne špedicije u vezi sa carinjenjem robe i o sadržaju i načinu vođenja registra lica koja su položila stručni ispit ("Službene novine Federacije BiH", broj 2/01), izdaje se